

են...ի մասնաւորի շատ քիչ ծանօթ է արարա-  
կան իշխանութեան ժամանակը»:

Ընդհանուր պատմութեան տեսակէտից էլ  
հեղինակը յոյժ կարեւոր դէպք է համարում  
հայ Բագրատունիների մէկ ճիւղի նոր հարբա-  
տութեան հիմնումը Վրաստանում: Այդ դէպքը  
«վրական պատմութեան՝ արարական շրջանին  
մէջ սահմանաքար ՚ըն է»:

Միւս կողմից, այդ դէպքի ժամանակի ու  
պարագաների մասին «անհաւատալի խառնա-  
շրփոթութիւն մը կը տիրէ աւանդութեան  
մէջ»:

Այդ պատճառով էլ Մարքլարտ իր քննու-  
թեանց հաստատուն հիմ գտնելու համար նախ  
եւ առաջ Վրաստանի Զ-Ը՝ դարու արտաքին  
պատմութեան վերաբերմամբ եղած անկասկա-  
ծելի վկայութիւնները ի մի է ամփոփում, ա-  
պա հայ Բագրատունիների քննական ազգա-  
տախտակը կազմում՝ հայ եւ օտար աղբիւրնե-  
րի հիման վրայ, Բագրատունեաց տան իշխա-  
նութեան զարգացումը պարզում, ցոյց տալիս  
Բագրատունեաց՝ Վրաստան դադարելու ժամա-  
նակը: Իր այս քննութեամբ հեղինակը վրական  
Բագրատունիները հետապնդում է մինչեւ Ժ.  
դարու վերջը:

Այս աշխատութիւնը, ինչպէս որ թարգ-  
մանիչն էլ շեշտում է իր յառաջարանի մէջ,  
«հետաքրքրական է յատկապէս այն տեսակէ-  
տով, որ բազմահմուտ հեղինակը հաւաքած է  
հոս ի մի Բագրատունեաց տան հայող նիւ-  
թերն՝ ըստ հայ, յոյն, վիր, արաբացի եւ ա-  
սորի աղբերաց եւ դասաւորած է զանոնք ժա-  
մանակագրորէն եւ ցեղաբանօրէն: Այսպէս ալ  
նկատուելու է աշխատութիւնս. ուստի թող  
չնկատէ հոն ընթերցողն ընդհանուր նկատո-  
ղութիւններ Բագրատունի նախարարութեան

դրից վրայ՝ հանդէպ միւս նախարարաց, կամ  
անոնց դործունէութեան վրայ՝ ի նպաստ հայ  
քաղաքակրթութեան եւայլն, որպիսի աշխա-  
տութեան անշուշտ ուրիշ ծրագիր եւ յարմա-  
րագոյն ժամանակ կը պահանջէր, քան որ ա-  
ռիթ կ'ընծայէր հեղինակին վերոյիշեալ երկը»:

Թէեւ հեղինակը իր հետազօտութեանց հա-  
մար աչքի առաջ ունեցել է ազգային եւ օտար  
կարեւորագոյն աղբիւրները, բայց եւ այնպէս  
նրան անմատչելի են մնացել մի քանի ուրիշնե-  
րը, որ եւ իր կողմից լրացնում է թարգմանի-  
չը:

\* \* \*

Վերոյիշեալ ընդհանուր տեղեկութիւնները  
բաւական ենը համարում Մարքլարտի թուած  
աշխատութիւնների մասին, որոնք զուտ բանա-  
սիրական բնոյթ են կրում եւ մատչելի են ըն-  
թերցողների բազմաառար սահմանափակ  
չրջանի միայն:

Հեղինակի հայագիտական վերջին աշխա-  
տութիւնը՝ «Հայ ազգի ծագումը եւ վերա-  
կանգնումը» բաղկացած է երկու մասից: Առա-  
ջինում Մարքլարտ մանրամասն քննութեան  
առարկայ է դարձնում մեր ցեղի ծագման,  
ինչպէս նաեւ նրա՝ Հայաստանում հաստատ-  
ուելու խնդիրը: Երկրորդի մէջ յարգելի հայա-  
գէտը խօսում է հայոց ներկայի ու նրա միտքը  
յուզող ազգային քաղաքական խնդիրների  
չուրջը:

Վերջինս լինելով ժամանակակից եւ հրա-  
տապ, հետաքրքրական է ընթերցողների աւելի  
լայն շրջանակի համար: Բայց դրքի առաջին  
մասն եւս ներկայացնում է քննական մասնակի  
չահեկանութիւն, ուստի եւ աւելի հանգամա-  
նօրէն նկատի առնենք այդ աշխատութիւնը:

